

BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM  
Broj: 04-011-61/97  
Sarajevo, 10.02.1998. godine

Z A P I S N I K

5. sjednice Predstavničkog doma Parlamentarne skupštine Bosne i Hercegovine,  
održane 18. novembra, 2. decembra i 15. decembra 1997.  
i 3. februara 1998. godine

Sjednica je počela sa radom 18. novembra 1997. godine u Zemaljskom muzeju.

Predsjedavao je Slobodan Bijelić, predsjedavajući Predstavničkog doma.

Predsjedavajući je konstatirao da sjednici prisustvuje 41 poslanik, što u skladu sa Poslovníkom Predstavničkog doma postoji kvorum za odlučivanje.

Prije utvrđivanja dnevnog reda sjednice poslanicima se obratio Hans Šumaker, zamjenik Visokog predstavnika.

Predsjedavajući je obavijestio poslanike, da se Kolegij nije usaglasio o prijedlogu dnevnog reda, pa u skladu sa Poslovníkom potrebno je utvrditi dnevni red na sjednici.

U raspravi o prijedlogu dnevnog reda učestvovali su: Halid Genjac, Branko Simić, Slobodan Bijelić, Zlatko Lagumdžija, Sejfudin Tokić, Ivan Bagarić, Jovo Mijatović, Branko Dokić, Dragomir Kerović, Adnan Jahić, Edhem Bičakčić, Jadranko Prlić, Vojislav Radišković, Husein Mandžuka, Sead Hasanhodžić, Nedžad Branković, Radivoj Duvnjak i Dragan Đurić.

Poslanik Zlatko Lagumdžija podnio je na razmatranje Predstavničkom domu slijedeće prijedloge zakona:

1. Prijedlog zakona o uslovima i načinu ostvarivanja prava i dužnosti poslanika u vršenju njihovih dužnosti na cijeloj teritoriji Bosne i Hercegovine,

2. Prijedlog zakona o uslovima i načinu postupka mjerodavnih državnih - pravosudnih tijela u vezi sa kažnjavanjem ratnih zločinaca.

Predstavnički dom je zaključio da se ovi prijedlozi zakona ne razmatraju na ovoj sjednici, već na narednoj sjednici Predstavničkog doma.

Predstavnički dom je usvojio slijedeći

D N E V N I R E D

1. Usvajanje zapisnika sa 4. sjednice Predstavničkog doma,

2. Donošenje Odluke o davanju saglasnosti za ratifikaciju Sporazuma sa Londonskim Klubom kreditora o starom dugu BiH,

3. Davanje saglasnosti za imenovanje ministra vanjske trgovine i ekonomskih odnosa,

4. Odluka o zasjedanju Predstavničkog doma iz dva dijela sa nastavkom rada 26. novembra u 11 sati,

5. Odluka o zaduženju Kolegija Predstavničkog doma da sa predstavnicima parlamentarnih stranaka koordinira rad do Bonske Konferencije i o stalnom zasjedanju skupštinskih komisija.

6. Donošenje Odluke o upućivanju poziva Vijeću za implementaciju mira u BiH u vezi obraćanja za narednu sjednicu Predstavničkog doma a u cilju utvrđivanja Platforme za nastup na Konferenciji u Bonu,

7. Prijedlog zakona o Vijeću ministara Bosne i Hercegovine i ministarstvima Bosne i Hercegovine,

8. Prijedlog zakona o putnim ispravama,

9. Prijedlog zakona o državljanstvu Bosne i Hercegovine,

10. Informacija Predsjedništva i Vijeća ministara o pripremama za Konferenciju u Bonu u saradnji sa visokim predstavnikom OHR-a,

11. Inicijativa za opoziv poslanika Velibora Ostojića sa dužnosti predsjednika Komsije za pitanja ljudskih prava, imigracije, izbjeglica i azila,

12. Formiranje Parlamentarne komisije za ispitivanje pojava međuentitetskih malverzacija i kriminalnih radnji.

### **AD - 1.**

#### **Usvajanje zapisnika sa 4. sjednice Predstavničkog doma**

Zapisnik sa prošle sjednice usvojen je većinom glasova, sa dva glasa protiv.

### **AD - 2.**

#### **Odluka o davanju saglasnosti za ratifikaciju Sporazuma sa Londonskim Klubom kreditora o starom dugu BiH**

U raspravi su učestvovali: Rijad Raščić, Zlatko Lagumdžija, Stjepo Pranjić, Branko Dokić, Hasan Muratović, Nikola Grabovac i Slobodan Bijelić.

Predstavnički dom većinom glasova uz jedan glas “protiv” i jedan glas “uzdržan”, donio je Odluku o davanju saglasnosti za ratifikaciju dokumenata koji se odnose na postignuti Sporazum sa Londonskim Klubom kreditora o starom dugu BiH.

### **AD - 3.**

#### **Davanje saglasnosti za imenovanje ministra vanjske trgovine i ekonomskih odnosa**

Predstavnički dom je većinom glasova uz dva glasa “protiv” i dva glasa “uzdržana” prihvatio prijedlog Vijeća ministara da Mirsada Kurtovića imenuje za ministra vanjske trgovine i ekonomskih odnosa.

**AD - 4.****Odluka o stalnom zasjedanju Predstavničkog doma iz dva dijela sa nastavkom rada 26.novembra u 11 sati**

Predstavnički dom ovu odluku donio je jednoglasno.

**AD - 5.****Odluka o zaduženju Kolegija sa predstavnicima parlamentarnih stranaka da koordiniraju rad do Bonske Konferencije i o stalnom zasjedanju skupštinskih komisija**

Predstavnički dom ovu odluku donio je jednoglasno.

**AD - 6.****Upućivanje poziva Vijeću za implementaciju mira u BiH u vezi obraćanja za narednu sjednicu Predstavničkom domu a u cilju utvrđivanja Platforme za Konferenciju u Bonu**

Predstavnički dom uputio je poziv Vijeću za implementaciju mira u BiH da se obrati na narednoj sjednici Predstavničkog doma u vezi utvrđivanja platforme za Konferenciju u Bonu.

\* \* \*

Nastavak sjednice 2. decembra 1997. godine sa početkom u 11,45 sati u Zemaljskom muzeju

Predsjedavao je Slobodan Bijelić, predsjedavajući Predstavničkog doma.

Predsjedavajući je konstatirao da sjednici prisustvuje 31 poslanik, 13 iz entiteta Republike Srpske i 18 iz entiteta iz Federacije, što u skladu sa Poslovníkom, Predstavnički dom može punovažno odlučivati.

Nastavljen je rad po ranije utvrđenom dnevnom redu.

**AD - 7.****Prijedlog zakona o Vijeću ministara Bosne i Hercegovine i ministarstvima Bosne i Hercegovine**

U raspravi su učestvovali: Boro Bosić, dr Haris Silajdžić, Slobodan Bijelić, Adnan Jahić, Ivo Lozančić, Sejfudin Tokić, Halid Genjac, Mustafa Pamuk, Branko Dokić, Zlatko Lagumdžija, Neven Tomić, Branko Simić i Abdulah Ahmić.

Poslanik Zlatko Lagumdžija podnio je amandmane na čl. 4, 19, 34. i 48. Prijedloga zakona, koji Predstavnički dom nije usvojio.

U raspravi o Prijedlogu ovog zakona poslanik Sejfudin Tokić, predložio je da Predstavnički dom zatraži mišljenje Ustavnog suda BiH o ustavnosti institucija kopredsjedavajućeg Vijeća ministara.

Ovaj prijedlog Predstavnički dom nije usvojio.

Zatim se prešlo na glasanje o Prijedlogu zakona u tekstu kako ga je predložilo Vijeće ministara.

Predstavnički dom sa 29 glasova “za” jednim glasom “protiv” i jednim glasom “uzdržanim” usvojilo Prijedlog zakona o Vijeću ministara Bosne i Hercegovine i ministarstvima Bosne i Hercegovine u tekstu kako ga je predložilo Vijeće ministara.

Povodom razmatranja ovog Prijedloga zakona, Predstavnički dom je donio slijedeći zaključak:

Po isteku 31. marta 1998. godine može se otvoriti rasprava o Zakonu o Vijeću ministara Bosne i Hercegovine i ministarstvima Bosne i Hercegovine, eventualnom noveliranju odnosno prijedlogu za izmjene i dopune Zakona o Vijeću ministara i ministarstvima Bosne i Hercegovine, u cilju njegovog poboljšanja, a nakon saslušanja Izvještaja o radu Vijeća ministara.

Ovaj zaključak usvojen je sa 22 glasa “za”, jedan glas “protiv” i četiri glasa “uzdržana”.

#### **AD - 8.**

#### **Prijedlog zakona o putnim ispravama**

U raspravi su učestvovali: Boro Bosić, Zlatko Lagumdžija, Ivo Lozančić, Halid Genjac, Sejfudin Tokić, Mustafa Pamuk, Spasoje Aldijanić, Branko Dokić, Sead Hasanhodžić, Nudaim Rečica, Slobodan Bijelić, Ibrahim Krzović, dr. Haris Silajdžić, Neven Tomić, Mediha Filipović, Dragomir Kerović i Nedžad Branković.

Na član 6. Prijedloga ovoga zakona podnijeli su amandmane: Zlatko Lagumdžija i Sead Hasanhodžić, koje Predstavnički dom nije usvojio.

Sjednica je prekinula sa radom u 17 sati sa zaključkom da se nastavi 15. desembra u 11 sati.

\* \* \*

#### **Nastavak rada 15.12. u 11 sati**

Nastavak rada sjednice otvorio je Halid Genjac, zamjenik predsjedavajućeg.

S obzirom da u nastavku ove sjednice nije prisustvovao dovoljan broj poslanika, nastavak sjednice je zakazan istog dana u 19 sati.

Sjednicom u 19 sati predsjedavao je Slobodan Bijelić, predsjedavajući Predstavničkog doma.

Predsjedavajući je konstatirao da sjednici prisustvuje 33 poslanika, i da Predstavnički dom može punovažno odlučivati.

Predstavnički dom nastavio je raspravu o **Prijedlogu zakona o putnim ispravama**.

U raspravi su učestvovali: Zlatko Lagumdžija, Sejfidin Tokić i Slobodan Bijelić.

Predstavnički dom je upoznat sa Amandmanom na član 6. Prijedloga zakona koji je utvrđen u na Konferenciji u Bonu, a koji je postao sastavni dio Prijedloga zakona.

Nakon toga prešlo se na glasanje o Prijedlogu zakona o putnim ispravama sa predloženim Amandmanom na član 6. Prijedloga zakona.

Predstavnički dom je usvojio Prijedlog zakona o putnim ispravama, sa 28 glasa "za" i dva glasa "protiv".

\* \* \*

Nastavak rada 3. februara 1998. godine u Lukavici.

Predsjedavajući je konstatirao da u nastavku sjednice prisustvuje 35 poslanika, od čega 22 poslanika iz entiteta Federacije BiH i 13 poslanika iz entiteta Republike Srpske.

Zatim se prešlo na pretres po ranije utvrđenom dnevnom redu.

#### **AD - 9.**

##### **Prijedlog zakona o državljanstvu Bosne i Hercegovine**

U raspravi su učestvovali: Sejfidin Tokić, Spasoje Aldijanić, Branko Simić, Sead Hasanhodžić, Rijad Raščić, Jadranko Prlić, Zlatko Lagumdžija, Ahmed Aličić, Dragomir Kerović i Savo Lončar.

Predstavnički dom je upoznat sa Amandmanom na član 38. stav 2. Prijedloga zakona, koji je utvrđen na Borskoj Konferenciji.

Zatim se prešlo na glasanje o Prijedlogu ovog zakona. Predstavnički dom sa devet glasova "za", šest "uzdržanih" i većinom glasova "protiv" nije usvojilo Prijedlog zakona o državljanstvu Bosne i Hercegovine.

#### **AD - 10.**

##### **Informacija Predsjedništva i Vijeća ministara o pripremama za Konferenciju u Bonu o saradnji sa visokim predstavnikom OHR-a**

Predstavnički dom je zaključio da od članova Predsjedništva i Vijeća ministara, a u saradnji sa Visokim predstavnikom zatraži da ga informaciju o pripremama za Konferenciju u Bonu.

**AD - 11.****Inicijativa za opoziv poslanika Velibora Ostojića sa dužnosti predsjednika Komisije za pitanja ljudskih prava, imigracije, izbjeglica i azila**

Pismenu inicijativu za opoziv poslanika Velibora Ostojića sa dužnosti predsjednika Komisije za pitanja ljudskih prava, imigracije, izbjeglica i azila podnijeli su UBSD i SDP.

Poslanik Sead Hasanhodžić, ispred Kluba Stranke demokratske akcije pročitao je inicijativu za razrješenje Velibora Ostojića.

U raspravi su učestvovali: Ivan Bagarić, Branko Simić, Sead Hasanhodžić, Ivan Šarić, Dragan Đurić, Vojislav Radišković, Savo Lončar, Vlado Kovačević, Džemaludin Latić, Zlatko Lagumdžija, Ibrahim Krzović, Branko Dokić, Adnan Jahić i Slobodan Bijelić.

Poslije rasprave prešlo se na glasanje o predloženim inicijativama.

Za opoziv Velibora Ostojića, glasalo je 17 poslanika, 11 poslanika je glasalo "protiv" i sedam poslanika se "uzdržalo od glasanja".

Prema rezultatima glasanja Inicijativa za opoziv Velibora Ostojića dužnosti predsjednika Komisije za pitanja ljudskih prava, imigracije, izbjeglica i azila, nije dobila potrebnu većinu.

Na članstvo Komisije za pitanja ljudskih prava, imigracije, izbjeglica i azila, podnijeli su ostavke Ahmed Aličić i Abdulah Ahmić.

S obzirom da na ovoj sjednici nisu prisustvovali poslanici: Senad Šahinpašić i Mehmed Alagić, koji su članovi ove Komisije, poslanik Sead Hasanhodžić obavijestio je Predstavnički dom da su na članstvo u ovoj Komisiji podnijeli ostavke i ti poslanici.

**AD - 12.****Formiranje Parlamentarne komisije za ispitivanje pojava međuentitetskih malverzacija i kriminalnih radnji.**

Inicijativu za formiranje Parlamentarne komisije za ispitivanje pojava međuentitetskih malverzacija i kriminalnih radnji, podnio je poslanik Sejfudin Tokić.

Predsjedavajući je konstatirao da poslanik Sejfudin Tokić nije prisutan na sjednici. Predstavnički dom je odložio razmatranje ove tačke za jednu od narednih sjednica Predstavničkog doma.

Sjednica je završena u 13,30 sati.

Magnetofonski snimak sa sjednice čini sastavni dio zapisnika.

PREDSJEDAVAJUĆI  
PREDSTAVNIČKOG DOMA  
Slobodan Bijelić